



Årdal, 14.06.2020

Valdansvarlege

Vår ref.
20/166-12

Dykkar ref.

Sakshandsamar
Knut Fredrik Øi,

Arkiv
K2-K40

Informasjon om hjort-, elg- og rådyrjakta i Årdal kommune 2020

I det følgjande har me oppsummert hovudpunkta knytt til hjort-, elg- og rådyrjakta i 2020. Informasjonen vert sendt ut på e-post slik at det er lett for dykk som valdansvarlege å senda vidare ut til grunneigarar og jegerar i dykkar vald. Informasjonen vert også sendt ut i brevform, med det formelle fellingsløyvet (som skal fyllast inn og leverast etter endt jakt). De kan likevel sjå i vedlegga kva som er tildelinga av hjort og elg.

Det er framleis spanande tider for hjorteviltet og oss som lever med og av dyra. Alle 15 kommunar i Nordfjella-regionen er bedt om å redusera bestandane av hjort og elg til under halve storleiken av 2016-nivået. Dette for å hindra at skrantesjuka får fotfeste i hjort- og elgbestandane. I Årdal kommune trur me at hjortebestanden er redusert ein del allereie. Bra jobba! Men truleg har me endå eit stykke igjen før me er på tilrådd tettleik. Og også på grunn av to «snille» vintre med god overlevelse, burde ambisjonane for felling denne hausten vera høge. I Årdal kommune er det eit mål om å fella minst 150 hjort årleg. «Minst 150» burde kanskje vera opp mot 200 i 2020?

Det er ikkje påvist smittsam skrantesjuka korkje på hjort eller elg kring Nordfjella. Dette er godt nytt, og jo lenger tid det går og dess fleire dyr som vert testa, dess sikrare vert me på at skrantesjuka ikkje allereie har smitta over til hjort/elg.

I punkta under prøver me å lista opp viktig informasjon for jakta til hausten. Om det er spørsmål, er det berre å ta kontakt!

Kvot

Gjeldande bestandsplan for hjort er for perioden 2019-2021. Det er i planperioden vedteke 268 fellingsløyve på hjort årleg. For elg er det 14 årleg fellingsløyve og for rådyr er det 13 fellingsløyve. Sjå vedlegg for fordeling på dei ulike valda.

Alle hjortevalda i Årdal kommune er medlem i Årdal bestandsplanområde for hjort. Difor kan hjortevalda fritt nytta alle fellingsløyvene frå heile planperioden, uavhengig av år. I vedlagt oversikt over hjortevalda, kan ein sjå kor mange ubrukte fellingsløyve det er igjen frå 2019. Det er også høve til å flytta fellingsløyve mellom valda. Slik flytting er avgrensa til dei områda som er i same driftsplanområde.

Kvota for elg og rådyr er knytta til det einskilde året, og kan ikkje flyttast mellom år eller vald.

Sjølve bestandsplanen kan de lesa her: <https://www.laerdal.kommune.no/ardal-bestandsplanomraade-for-hjort.393390.no.html>

Jakttid

Kommunane kring Nordfjella har utvida jakttid på elg og hjort. Den formelle jakttida er 15. august-31. januar. Det er fredning frå jul til nyttår.

Jakttida for rådyr er delt:

- Vaksen rådyrbukk: 10. august-23. desember
- Anna rådyr: 25. september-23. desember.

CWD – prøvetaking

Alle felte dyr som er vaksne skal jegerane ta prøve av sjølv (altså ikkje kalvar og 1,5 åringar). Jegerane tok veldig bra med prøvar i fjor, bra jobba! Prøveresultatet er svært viktige for vegen vidare. Info og utlevering av prøvemateriell skjer som i fjor, på jegermøte i august og i kasse ved Knipenborg skytebane på Loi. All generell informasjon om CWD er samla på:

<http://www.hjortevilt.no/skrantesjuke/>

Kjeveinnsamling

Det vert kjeveinnsamling i Årdal som vanleg. Kjevane frå ungdyra vert sendt til Veterinærinstituttet for fluor-analyse. Dei vaksne dyra vert aldersbestemt. Det er ikkje trong for å levera kjevar frå kalvane. Resultata frå aldersbestemminga vert sendt ut til valdansvarleg når dei er klare. Kjevane skal reinskjærast og hengjast opp på snora ved Knipenborg skytebane. Kjevane merkast med merkelappen som er å finna i posen for CWD-prøvetaking. Merk CWD-prøven med klistrelappen, og kjeven med den «store lappen».

Jegermøte

Me tek sikte på å ha eit jegermøte i august. Det er mykje info og sikkert ein del spørsmål. Info om dato og stad for møtet kjem seinare.

Helikopter

Me jobbar for å få til ei vidareføring av tilbodet om utflyving av slakt frå hjort- og elgjakta. Info om dette kjem når me veit meir.

Sal av slakt

Ordninga med mottak av slakt på Håbakken er avslutta. Det har dei siste 2 åra vorte levert få slakt hit. Men det er framleis mogleg å selgja slakt. Ein lyt då avtala med Haugen gardsmat i Flåm v/Odd Ohnstad. Telefonnummeret til Odd er 915 39 026.

Sett-og-skutt

All jakting skal registrerast på Hjorteviltregisteret. Det er viktig også å registrera jaktdagane utan felling eller observerte dyr. Registreringane gjerast anten ved å logga deg inn på www.hjorteviltregisteret.no eller ved å lasta ned settogskutt-appen. Registreringane fungerer no veldig bra og gir oss moglegheit til å følgja med på fellingsresultatet undervegs i jakta, slik at me kan informera om status og måloppnåing. CWD-prøvene skal også registrerast her. Prøvesvaret finn de på hjorteviltregisteret under «Helse»-fana.

- **Viktig:** I 2018 vart det gjort nokre endringar på korleis jegerane skulle registrera jaktinga si på settogskutt. I korte trekk var endringa den at alle observerte dyr skulle registrerast, uavhengig av om dyret med sikkerhet var sett fleire gonger/av andre. Me trur ikkje mange fekk med seg denne endringa, fordi det ikkje var godt marknadsført. I tida no er sett-hjort-registreringane viktigare enn nokon gong fordi me på den måten kan følgja med på endringane i bestanden opp i mot målet om reduksjon. Ei endring i måten å føra på er difor uheldig fordi det vert vanskelegare å samanlikna tala mellom åra. Difor har me beslutta at me IKKJE VIL FØLGJA endringa som det er lagt opp til i føring av sett-hjort. Alle jegerar i Årdal skal altså føra sett-hjort som før, og ikkje ta hensyn til endra instruks! Ergo, registrer sett-hjort som «vanleg»!

Human jakt

Sjølv om det er ønskjeleg med høgt fellingsresultat, er det viktig at de tenkjer sikkerheit og human jakt når de er ute. Skyt kalven før kolla! Hugs plikten til å ha tilgang på ettersøkshund – og bruk hunden når uhellet er ute! Her har me ein del å gå på!

Samarbeid

Dei valda som er medlem i bestandsplanområdet har moglegheit til å flytta løyve mellom valda, og mellom åra i bestandsplanperioden. Dette er brukt i ein viss utstrekning, men det er mogleg/ønskjeleg å nytta dette endå meir. For å flytta løyve mellom åra i planperioden trengs det ingen avtale. Eit vald som har igjen løyve frå 2019, kan nytta desse no denne hausten. Alle fellingane skal meldast inn i fellingsrapporten det året dei er felt. For å flytta løyve mellom vald (internt i driftsplanområdet), må valda ha ei skriftleg avtale om samjakt. Ferdig formular ligg på heimesida til kommunen. Det valdet som får fellingsløyvet tildelt, skal rapportera resultatet, uavhengig av om løyve er nytta på eit anna vald. På settogskutt registrerer jegerane fellinga på det valdet som dyret vart jakta på. Fellingsavgifta vert fakturert valdet som fekk løyvet. Det som truleg vil vera begrensande for jaktuttaket til hausten er jegeranes tilgjengelege tid til å jakta. Dei valda som «føler seg ferdig» med å jakta i løpet av hausten og som har mykje dyr i terrenget, bør vurderer om dei kan slippa fleire jegerar inn i terrenget. Dette kan gjerast anten ved at jegerar har med «eigne fellingsløyve» eller at fleire jegerar kan koma inn og jakta på dei løyva som er gitt det aktuelle valdet. Dei merka hjortane fortel oss at dyra nyttar mange vald i løpet av året. Dei dyra som ein kanskje opplever som «eigne dyr», flytter seg oftast mykje, både i løpet av døgeret og sesongen.

Fellingsavgift

Avgift ved felling i 2020 er som følgjande:

Fellingsavgift:	2020
Hjort ≥ 1,5 år	360
Hjort kalv	220
Elg ≥ 1,5 år	480
Elg kalv	275

Skitt jakt!

Med helsing

Knut Fredrik Øi

Sakshandsamar Felles Landsbrukskontor ÅLA

Vedlegg:

Dok.dato

14.06.2020

14.06.2020

Tittel

Tildeling av fellingsløyve for hjort, elg og rådyr - Årdal 2020

Tildeling av fellingsløyve for hjort, elg og rådyr - Årdal 2020

Dok.ID

325106

325102

Vedlegg:**Dok.dato**

14.06.2020

TittelLøyvetildeling Årdal 2020
hjort**Dok.ID**

325103

14.06.2020

Løyvetildeling Årdal 2020
elg

325104

14.06.2020

Løyvetildeling Årdal 2020 -
rådyr

325105